

Date – 10/12/2024

Time - 7:30 -7:40Hrs

REGIONAL NEWS BULLETIN

HEADLINES (MORNING)

- 1. Agriculture Minister Pu PC Vanlalruatan campaign laia an lo aupui tawh angin thlaithar lei turin ZPM Ministry chu a inbuatsaih mek a, mipuite tih beidawn an tum lo a ti.**
- 2. Opposition Leader Pu Lalchhandama Ralte chuan Kuthnathawktute thawhrah ang ang chu sorkar ina intiam ang ngeiin lei sak rawh se a ti.**
- 3. Prime Minister Narendra Modi an hmeichhia te hmasawn nan leh tih chak zel nan hun tha pek thiam a pawimawh a ti.**

<><><>

ZPM

Agriculture Minister Pu PC Vanlalruata chuan campaign laia an lo aupui tawh angin thlaithar lei turin ZPM Ministry chu a inbuatsaih mek a, mipuite tih beidawn an tum lo a ti.

Nimina ZPM Party inkhawm Aizawla neihah he thu hi sawiin, Minister chuan, “ZPM Party chuan campaign lai atangin Thlaithar lei chungchang an au pui tawh thin a, an lo aupui tawh ang ngeiin tunah hian thlai pali Sawhthing, Aieng, Hmarcha leh Hmunphiah te lei turin Marketing Board an din a, he marketing Board hian chak takin hma a la mek a ni a ti a, tun hnai khan International Conclave Cum Buyer Seller Meet kan buatsaiha, India ram mai bakah ram hrang hrang atangin thlaithar ngaihventu an lo pung khawm a, an hma lakna a kal tluang hle a ni a ti.

Marketing Board Chairman Pu PC Vanlalruata chuan, “Tunah hian District tinah Agriculture Marketing Committee an din tawha, khaw tinah Society 800 dawn an din tawh bawk tih sawiin. Sawhthing leh Aieng hi Jan-May thla thleng Sorkarin a buaipui dawn a, hmunphiah leh Hmarcha bikah January- March thla chhung Sorkarin a market a buaipui bawk dawn a ni a ti a. Khaw tina Society an dinte chu Primary Collection Centre-ah puan an ni dawn a, Sorkar buaipui ngai kher lova an mahni a Auction an lo tih ve theih chuan Sorkar inrawlh kher ngai lovin an mahnin Society in an hralh dawna, Sorkar rate anga leisaktu an hmuh loh erawh chuan Secondary Collection khaw 45 kan puantawhah an rawn hralh mai dawn a ni a ti.

Primary Collection Centre atanga Secondary Collection Centre thleng thlaithar phurh man hi chu society in an lo buaipui ve thung dawn ai. Sorkar thar chuan thlaithar lei leh hralh chungchangah mumal taka kalpui a tum a , Thlaithar chhekkhawlna hmun Whole Sale market hmunhnih ah kan din dawn a, Sihphir ah leh Melthum ah din turin hma kan la phawt ang chutiang chuan a intahtawl zelin thlaithar dahthatna tur leh Whole sale na tur hmun an buatsaih mek a, kuthnathawktute harsatna sut kian zel hi an tum tlata ni,’ a ti.



MNF

Opposition Leader Pu Lalchhandama Ralte, MNF Vice President chuan Kuthnathawktu thawkrim tak takte thawhrah ang ang chu sorkar ina intiam ang ngeiin lei sak rawh se a ti.

Nimina MNF Party Office ah thusawiin Pu Lalchhandama chuan ZPM sorkarin January atanga May thla chung chauh thlaite lei an tum leh si hi kuthnathawktute hmuhsitna a ni a ti a. India sorkar hian thlai thlan bik 24-ah kum fluana support price a pe ang hian, hun rei lote chauh hawng lovin kum tuanin support price pe ve rawh se a ti a. An intiam ang ngeiin thlai Hmarcha, Sawhthing, Aieng leh hmunphiah hi lei rawh se. Eng eng emaw dan phuah kual phauh kual lo hian kuthnathawktute tharchhuah ang ang hi a leina tur rate an sawi ang hian leisak rawh se," a ti.

"Tunah loneituten thlai an thar tan a, krismas thawmhnaw lei nan te, kohhran thawhlawm atante loneitute hian Krismas hma ngeia hman an duh a. An mamawh em em a ni. Chutiang a nih laia kum thar lam daiha lei an tum hi a dik lo tih sawiin transport subsidy siam si lova Collection center tlem a zawng chauha thlai thar lei an tum hi a dik lo a. Thingtlang khaw tinah sorkar hian lei rawh se," a ti bawk.

Leader of Opposition chuan, "ZPM sorkar hian hralh tur an zawng nasa hle a. An sorkar phatah ZMC leh Airport hralh an sawi a, small hydel project zawng zawng hralh an tum a, Chaltlang Tourist lodge hralh an tum bawk a ti a. Pu Laldenga leh Pu Zoramthanga te vei em em, Congress-in kut an thlak nasat Lengpui Airport hralh an tum ngar ngar chu ngaihtuah nawn turin an ngen a ni. AR leh Sipai dangin an ramah hmun tha tak tak an luahte umchhuah an tum mek laia an kuta Zofate rohlu hlan an tum hi rem an ti lo. MNF chu na zawka che turin kan inpeih a ni," a ti.

MNF Vice President chuan, "Politics-a phuba lak nan MSSSB an thiat a, MPSC an thuam tha ang, an ti a. An thuam tha ta em MPSC-ah hian sorkar a inrawlh thuk lutuk nge an hming hliau nasa ta hle a ni a ti bawk a. Kum tira Entomologist an lak tura kum tira short list siam tawh chu an cancel leh vek a. Screening an ti tha leh a, mi thar a rawn lut nawlh a, a tling ta a. Chu mai bakah Vety Asst. Surgeon lak tur result a chhuak a. Exam lo panga an tling a ni. Tun hnaiah buai chuar a tam hle. MPSC hming hliau ta hi a pawihle a ni a ti, sorkar hian MPSC rintlak a din leh theih nan hma la rawh se," a ti bawk.



WORLD AIDS DAY

Mizoram State AIDS Control Society (MSACS) leh District AIDS Prevention & Control Committee (DAPCC), Lunglei District tang kawp huaihawtin World AIDS Day 2024 pualin nimin khan hun hman a ni a. Health & Family Welfare Minister Pi Lalrinpuin n a hmanpui.

Chawhma dar 10:30-ah World AIDS Day puala kawng zawh buatsaih niin, Government High School, Lunglei tual aṅgingin zirlai naupang kawng zawh turte chu Health Minister Pi Lalrinpuui chuan a vai liam a. Zirlai naupangte chuan HIV/AIDS dona leh fimkhurna tur bakah, a veite enkawlina leh dikna chanvo inzirtirna thuziak hrang hrang kenging GHS Lunglei kawt aṅanga Convention Centre thlenging kawng an zawh a ni.

Hemi hnua Lungleia World AIDS Day puala inkhawm buatsaihah Khuallian Pi Lalrinpuui chuan kum 1990 aṅanga chhinchhiah danin Mizoram chhungah HIV positive mi 28,028 an awm tawh thu leh nikum 2023-24 chhung khan HIV kai thar mi 2,059 lai hmuh chhuah an nih thu sawiin, Lunglei District huam chhungah (Hnahthial District telin) kumin 2024 January thla aṅanga October thla thlenga thisen endik 4,997 zinga mi 99 –zaa 1.98 lai chu HIV positive an nih thu a sawi a. HIV/AIDS chu "Nungchang Kaihhnawih Natna" tia sawi ṭhin a nih thu leh HIV hrik pai hmuh chhuah tawh zawng zawng aṅanga 93% aia tam zawk chu invenna tel lova mipat hmeichhiatna hman aṅang leh hriau leh inchiuna hmanraw thianghlim lo inhman ṭawm aṅanga kai an nih thu sawiin, hei hian HIV chu inkai chhawn theih natna ni mah se, inven theih a nihzia a tilang chiang hle a ni, a ti a. Mizoram chu HIV inkai chhawn theihna leh a invenna kawng hriatna lamah India rama hre ṭha ber pawl kan nih laiin, mipui cheng zat azira a kai tam lamah India rama sang ber kan ni a, HIV kaina kawng leh inven dan te zawm ṭhat loh vanga kai tam an ni tih a lang, a ti.

HIV inkai chhawnna tam ber mipat hmeichhiatna lama nun invawn thianghlim chu mimal duhthlanna a nih thu sawiin, mipuite chu duhthlanna thiang tak hmanga invawng thianghlim tura chahin, invawng thei lote pawhin invenna hmang uar turin a chah a. Ruihhlo chu ram, chhungkua leh mimal hmelma a nih angin ti chhin lo tur leh a lo ti tawhte pawhin sim tura fuihin, sim thei rih lote pawhin HIV laka fihlim nan hriau leh inchiuna hmanrua tu mah ṭawm lo turin a ngen bawk.



KOLASIB

Kolasib a 16 Days Campaign on Elimination of Gender Based violence kharna nimin khan neih a ni a, DC Pu Robert C. Lalhmangaiha chuan hmanpuuin, DC chuan, an hun hman chu a pawimawh thu sawiin, mipa in chaklo zawka a ngaih hmeichhiate diriam a, an chungtlakna tibo tura beihpui thlakna hun an hmang zo thei chu lawmawm a tih thu a sawi a. Chhungkaw kehchhia Mizoramah an tam thu sawiin, pawl a tih thu a sawi a. Chhungkaw kehchhiatna awm chhan chu hmeichhiate chungah hleilennain nasa takin a hrin ni a a hriat thu a sawi.

DC chuan an hun hman chu hmang tangkai a, chhungkaw nghet, nu leh pa in ngeih, chhungkaw hlim leh hlawhtling nei tura tan la turin kalkhawmte chu a chah a, Dan in hmeichhia a venhimna kawngah kawng kawhmuhtu pawl pawimawh tak MHIP leh Kohhran Hmeichhe Pawl hotute pawh an pawimawh tak zet ani, a ti bawk.

Kolasib CJM chuan, Pi Cacy Malsawmtluangi Ralte Gender Violence hrang hrang tarlang in Gender Based Violence tih reh dawn chuan Gender Violence chu enge a nih tih hriat a ngai a ni, a ti a. Women Empowerment pawh mipa in anmahni ah leh an chhungkua ah bul an tan a ngai a ni, a ti.

Hmeichhiate laka hleilenna tihbo nana Sawrkar in venhimna dan a pek thenkhatte tarlanna a nei bawk.

He Program hi Pu C. Vanlalzapa, CDPO Thingdawl chuan a kaihruai a. Hmeichhiate chanvo humhim nan Sawrkar hmalakna hrang hrang sawiin, Kolasib District ngei ah pawh One Stop Center-te, Shakti Sadan-te, Observation Home-te, DCPU Child Protection Unit-te a awm thu a tarlang a, ni 16 chung Gender Violence chungchang a Awareness an kalpui tawh ah Target 500 khum turah 634 an tlin thei a ni.



NO TOLERANCE

Ngaihna thiamna tel loa lirthei endik runpui 'No Tolerance Week 2024' chu Mizoram hmun hrang hrangah hman tan a ni a, Aizawlah chuan Bara Bazarah lirthei endik a ni.

Akashvani Correspondent zawhna chhangin, Aizawl Traffic SP Pu Stephen Lalrinawma chuan, Aizawl khawpui chhungah lirthei endik a ni tih a sawi a, krismas bazar hun lai nen a in nan bakah traffic tih jam nasat palh theih a nih avangin vawiinah chuan hmun khatah chauh endikna hmun an siam tih a sawi a, a tul chuan hmun dangah pawh endikna hmun siam belh a la ni ang, a ti.

Pu Stephen Lalrinawma chuan, Mizoram sorkarin lirthei endik a nih tur thu thuchhuah a siam hma avangin lirthei neitu tam takin an document te an lo ti fel a, lirthei khu endikna hmun pawh a lun in an lo inchingfel tha chu thil lawmawm a nih thu a sawi bawk.

Puan tawh angin Mizoram sorkar chuan 'No Tolerance Week 2024' chungchangah hian thla hmasa khan thuchhuah a lo siam tawh. Akashvani Aizawl News in lirthei khu endikna hmun a tlawh kual na ah lirthei khu endik tur an tam thei hle a ni.

Lirthei endik hi kum 2024 Krismas leh kumthar 2025 mitinin dam leh hlimtlang taka an hman theih nana tih a ni a, he hunah hian Driving License neilova lirthei khalh, Insurance Certificate nung loa lirthei khalh, Pollution Under Control Certificate (PUCC) nung lo, mipui leh bungraw phur lirthei Fitness Certificate nei lo te leh lirthei kaihnawih dan bawhchhiatna te endik a ni.



PM

Prime Minister Narendra Modi chuan hmeichhia te hmasawn nan leh tih chak zel na a tan hun tha kan pek thiam a pawimawh a chu chuan hmeichhiate dawmkanna kawng ah hmasawn na tam tak a thlen dawn ani ati.

Pu Modi chuan hmeichhiate hi hmalam pan na hun tha pek an nih chuan kan ram tan hmasawn na tha ani dawn ani ati a, Haryana a panipat ah Bima Sakhi Yojana tlangzarhna neiin mipui pungkawm hmaah thu a sawi zui nghal baw. He Life insurance corporation of india (lic) hi hmeichhia kum 18-70 thleng te dawmkan nan a tih ani a, hmeichhia pawl 10 pass chin te chu a bik a training pek niin kum thum chung stipend an la thei dawn bawk ani. hei hi financial literacy leh insurance tih hmasawna zel a tan tih ani.

India chu Bima sakhi yojana kal tlang a hmeichhia te dinhmun chawikan a ni thei dawn chu lawmawm a tih thu sawiin insurance chu social security a tan a thil tangkai a nih thu leh retheihna um bo kawng a thil pawimawh tak anih thu a sawi baw. Pu Modi chuan tun kum 10 kal ta chung khan sorkar chuan hmeichhiate dinhmun chawikan kawng ah hma nasa tak in a ala a, self help group hmeichhiate dinhmun chawikanna tur a din chu India ram history a chuan reng tawh tur thu a sawi. self help group hi thingtlang zawk te tan pawh a dinhmun chawisan na tur pawimawh tak ani ati a, ram pum ah hmeichhia vaibelchhe 10 chuang he self help group ah hian awm tawh in he group kal tlang hian sum tam tak hmeichhia ten an lalut ve tawh ani ati.

<><><>